



蘇文忠公集卷第九

古詩五十九首

送張嘉州

少年不願萬戶侯亦不願識韓荆州頗願身為漢嘉
守載酒時作凌雲遊虛名無用今白首夢中却到龍
泓口浮雲軒冕何足言惟有江山難入手峨眉山月
半輪秋影入平羌江水流謫仙此語誰解道請君見
月時登樓笑談萬事真何有一時付與東巖酒佛
有酒舊歸來還受一大錢好意莫違黃髮叟

送江公著知吉州

蘇文忠公集卷第九
古詩五十九首
送張嘉州

三兵行盡千山水猶道桐廬更清美豈惟濁世隱狂
奴時平亦出佳公子初冠惠文讀城旦晚入奉常陪
劍履方將華省起彈冠忽憶釣臺歸洗耳未應良木
棄大匠要使名駒試千里奉親官舍當有擇得郡江
南差可喜白紵連檣一萬艘紅粧執樂三千拍簿書
期會得餘閑亦念人生行樂耳二耳義不同故得重用

櫻筍

櫻筍狀如魚剖之得魚子味如苦筍而加甘芳蜀
人以饌佛僧甚貴之而南方不知也筍生膚毛毳中
蓋花之方孕者正二月間可剝取過此苦澁不可

食矣取之無害於木而宜於飲食法當蒸熟所施
略與筍同蜜煮酢浸可致千里外今以餉殊長老
贈君木魚三百尾中有鵝黃子魚子夜叉剖瘦欲分
甘籜龍藏頭敢言美願隨蔬果得自用勿使山林空
老死問君何事食木魚烹不能鳴固其理

次韻曹子方運判雪中同遊西湖

詞源灑灑波頭展清唱一聲巖谷滿未容雪積句先
高豈獨湖關心自遠雲山已作歌眉淺山下碧流清
似眼樽前侑酒只新詩何異書魚餐蠹簡

次韻黃魯直赤目

誦詩得非子夏學紬史正作丘明書天公戲人亦薄
相略遣幻翳生明珠賴君年來屏鮮腴百千燈光同
一如書成自寫蠅頭表端就君王覓鏡湖

丙子重九二首

窮途不擇友過眼如亂雲餘子誰復數坐閱兩使君
共飲去年堂俯看秋水紋此水與此人相追兩泫泫
老去各休息造物嗟良勤佳哉此令節不惜與子分
何以娛我客游魚在清瀆水師三百指鍊網欲掩群
獲多雖一快買放尤可欣此樂真不朽明年我歸耘
三年瘴海上越嶠真我家登山作重九蠻菊初未花

惟有黃茅根堆壠生坳窪蠶酒蘖衆毒酸甜如梨祖
何以侑一樽隣翁餽蛙蛇亦復強取醉譁呼雜悲嗟
今年吁惡歲僵卧如亂麻此會我雖健狂風捲朝霞
使我如霜月孤光掛天涯西湖不欲往暮樹號寒鴉

奉陪正輔遊白水山

偉哉造物真豪縱攫土搏沙為此弄擘開翠峽出雲
雷截破奔流作潭洞因隨化人履巨跡得與仙兄躡
飛輕曳杖不知巖谷深穿雲但覺衣裘重坐看鷲鳥
投霜葉知有老蛟蟠石甕金沙玉礫粲可數古鏡寶
奩寒不動念兄獨立與世踈絕境難到唯我共永辭

角上兩蠻觸一洗胃中九雲夢浮來山高回望失武陵路絕無人送筠籃擲翠爪甲香素縵分碧銀瓶凍歸路霏霏暘谷暗野泉活活神泉湧解衣浴此無垢人身輕可試雲間鳳

次韻正輔同遊白水山

只知楚越為天涯不知肝膽非一家此身如綫自縈繞左回右轉隨繅車誤拋山林入朝市平地咫尺千褒邪欲從稚川隱羅浮先與靈運開永嘉首參虞舜歎韶石次謁六祖登南華仙山一見五乳羽雪樹兩摘南枝花赤魚白鱗助屢下黃柑綠橘邇常加糖霜

不待蜀客寄荔枝莫信閩人誇恣傾白蜜收五稜紅斲昔土栽三桮朱明洞裏得靈草翩然放杖凌蒼霞豈無軒車駕熟鹿亦有鼓吹號寒蛙仙人勸酒不用勺石上自有樽壘窪徑從此路朝玉闕千里莫遺毫釐差故人日夜望我歸相迎欲到長風沙豈知乘槎天女側獨倚雲機看織紗世間誰似老兄弟焉愛不復相疵瑕相携行到水窮處庶幾一見留子嗟千年枸杞常夜吠無數荆棘空葳蕤但令凡心一洗濯神人仙藥不我遐山中歸來萬想滅豈復回顧雙雲作飛鴉

遊博羅香積寺

寺在縣七里三山犬牙夾道皆美田麥苗甚茂寺
下溪水可作磴磨若作石塘百步而落之可轉兩
輪舉四杵也以屬縣令林抃使督成之

二年流落鼃魚鄉朝來喜見麥吐芒東風吹波舞淨
綠初日泣露含嬌黃汪汪春泥已沒膝剡剡秋穀初
分秧誰言萬里出無友見此二美喜欲狂三山屏擁
僧舍小一溪雷轉松陰涼盍令水力供磴磨與相地
脉增陂塘隄隄霏霏落雪看收麪隱隱疊鼓聞春糠
撒流一啜雲子白炊和衣十字瓊肌香豈唯牢九薦古

味薄持餅起餓漚餒九頭餓要使真一流仙

入作漿詩成捧腹

寄子由

吾謫海南子由謫雷被命即行了不相知至梧乃
聞其尚在藤也旦夕當追及作詩以示之

九疑聯綿屬衡湘蒼梧獨在天一力孤城吹角煙樹
裏落月未落江蒼茫幽人拊枕坐歎息我行忽至舜
所藏江邊父老能說子白鬚紅頰如君長莫嫌瓊雷
隔雲海聖恩尚許遙相望平生學道真實意豈與窮
達俱存亡天其以我為箕子要使此意留要荒他年

誰與作地志海南萬里真吾鄉

西江

西江山水真吾鄉一作白沙翠竹石底江舟行十里

磨九瀧篙聲碎確相舂撞午醉欲睡聞淙淙真欲一

口吸老龐何人得雋窺魚缸舉叉叱叫尺鯉雙

題李白畫像二首

天人幾何同一漚謫仙非謫乃其遊麾斥八極隘九

州化為兩鳥鳴相酬一鳴一息止一作三千秋開元有

道為少留縻之不可矧肯求

西望太白橫峨岷眼高四海空無入大兒汾陽中令

君小兒天台坐忘身一作賀平生不識高將軍手污

吾足乃敢噴作詩一笑君應聞

廣州何道士衆妙堂

湛然無觀古真人我獨觀此衆妙門夫物芸芸各歸

根衆妙一作中得一道乃存道人晨起開東軒趺坐一

醉扶桑暎餘光照我玻璃盆倒射窓几清而溫欲收

月魄殮日魂我自日月誰吐使一作吞

虔州景德寺榮師湛然堂

卓然精明念不起兀然灰槁照不滅方定之時慧在

定定慧寂照非兩法妙湛總持不動尊默然真入不

二門語息則默作對語此話要將周易論語方人人
把雷電不欲仔細看頭面一作真顛面欲持妙湛與
總持更問山東三語掾

南屏謙師妙於茶事自云得之於心應之於
手非可以言傳學到者十月二十七日聞執
遊壽星寺遠來設茶作此詩贈之

道人曉出南屏山來試點茶三昧手忽驚午盞兔毫
斑打作春甕鵝兒酒天台乳花世不見玉川風腋今
安有東坡有意續茶經會使老謙名不朽

琴枕

中郎不眠仰看屋得此古椽圍尺竹輪困濩落非笛
材破作細琴徽軫足流傳幾處到淵明卧枕綸巾酒
初漉驚鸞別鶴誰復聞鼻息齁齁自成曲

熙明張侯求所居萬卷堂為賦一首

君家四壁如相如卷藏天祿吞石渠豈惟鄴侯三萬
軸家有世南行秘書兒童拍手笑何事笑人空腹談
經義未許中郎得異書且共揚雄說竒字清江縈山
碧玉環下有老龍千古閑知君好事家有酒化為老
人夜叩關留侯之孫書滿腹玉函寶方何用讀濠梁
空復五車多圯上從來一篇足

申王畫馬圖

天寶諸王愛名馬千金爭致華軒下當時不獨玉花
驄飛電流雲絕瀟灑兩坊歧薛寧與申憑陵內廐多
清新肉駿汗血盡龍種紫袍玉帶真天人驪山射獵
包原隰御前急詔穿圍入揚鞭一蹙破霜蹄萬騎如
風不能及鴈飛兔走驚弦開翠華按轡從天回五家
錦繡變一作山谷百里馬珥遺纖埃青驪蜀棧一作
西超忽高準濃娥散荆棘回首追風趁日飛一作落連天
鵝自五陵佳氣春蕭瑟

送歐陽季默赴關

先生豈止一懷祖郎君不減王文度膝上幾日今白
鬚令我眼中見此父汝南相從三晦朔君去苦早我
來莫霜風淒緊正脫木潁水清淺可立鷺莫辭白酒
馮香泉已覺扁舟掠新渡坐看士衡執別手更遣夢
得出奇句郎君可是莞庫人乃使驥跡隨蹇步置之
行矣無足道賢愚豈在遇不遇

奉和成伯大雨中會客解嘲

樂事難并真實語坐排用意多乖誤興來取次或成
懼瓦鉤却勝黃金注我生禍患久不擇肯為一時風
雨阻天公變化豈有常明月行看照歸路

次韻徐仲車

惡衣惡食詩轉好恰似霜松轉春鳥蒼蠅莫亂遠雞
聲世上誰如公覺早八年看我走三州日月當空水
自流人間擾擾真螻蟻應笑人呼作闍牛

和公濟飲湖上

昨夜醉歸還獨寢曉來宿雨鳴孤枕扁舟小棹截湖
來正見青山駁雲錦須知老人興不淺莫學公榮不
共飲與君歌鼓樂豐年喚取千夫食陳廩

四月十一日食荔枝

南村諸楊北村盧白花青葉冬不枯垂紅綴紫煙雨

裏特與荔子為先驅海中仙人絳羅襦紅綃中單白
玉膚不須更待妃子笑風骨自是傾城姝不知天公
有意無遣此尤物生海隅雲山得伴松檜老霜雪自
因祖梨麓先生洗盞酌桂醕冰盤薦此頰虬珠似開
江瑤斫玉柱更洗河豚烹腹腴我生涉世真為口一
官久已輕尊鱸人間何者非夢幻南行萬里真良圖

贈僧

道人自嫌三世將棄家十年今始壯玉骨猶含富貴
餘漆瞳已照人天上去年相見古長干衆中矯矯如
翔鸞今年過我江西寺病瘦已作霜松寒朱顏不辨

供歲月風中蒿火湯中雪好問君家黃面翁乞得摩
尼照生滅莫學王郎與支遁臂鷹走馬憐神駿還君
畫圖君自奴不如木人騎土牛

喜劉景文至

天明小吏更傳呼髯劉已到城南隅尺書真是髯胡
迹起坐熨眼知有無令人不作古人事今世有此古
丈夫我聞其來喜欲舞疾自能起不用扶江淮旱久
塵土惡朝來清雨濯鬢鬚相看握手了無事千里一
笑無乃迂平生所樂在吳會老死欲葬杭與蘇過江
西來三百日冷落江水愁吳妹新堤舊井各無恙參
寥六一豈念吾別後新詩巧摹寫袖中知有錢塘湖
送景文用前韻

白雲在天不可呼明月豈肯留庭隅怪君西行八百
里清坐十日一事無路人不識呼尚書但見凜凜羅

雄一作千夫逆君一馬兩僕牽然相訪豈知入骨愛詩酒醉

倒正欲蛾眉扶一篇向人寫肝肺四海知我霜鬢鬚

君前有詩見寄云四海無知歐陽陳趙我皆有豈謂

夫子駕復迂邇來又見三點柳共此暖熟食氈蘇酒

穀酸薄紅粉暗祗有頰水清而姝一朝寂寞風雨散

對影誰念月與吾何時歸帆泝江水春酒一變甘棠

湖君遊甘棠湖

鉞笙

庚辰八月二十八日劉幾仲餞飲東坡中觴聞笙
簫聲杳杳若在雲霄間抑揚往返粗中音節徐而
察之則出於雙瓶水火相薄得作自然吟嘯蓋食
頃乃已坐客驚歎得未曾有作鉞笙詩記之
孤松吟聲細泠泠獨繭長縲女媧笙陋哉石鼎逢彌
明蚯蚓竅作蒼蠅聲瓶中宮商自相賡昭文無虧亦
無成東坡醉熟呼不醒但云作勞吾耳鳴

晦夫惠接離巾琴枕作此詩謝之

携兒過嶺今七年晚塗更着黎衣冠白頭穿林要藤
帽赤脚度水須花縵不愁故人驚絕倒但使俚俗相
恬安見君合浦如夢寐挽鬚握手俱沈瀾妻縫接離
霧縠細兒送琴枕冰微寒無絃且寄陶令意倒載猶
作山公看我懷汝陰六一老眉宇秀發如春巒羽衣
鶴氅古仙伯岌岌兩柱扶霜紈至今畫象作此服凜
如退之加渥丹邇來前輩皆鬼錄我亦帶脫巾歌寬
作詩頗似六一語往往亦帶梅翁酸以晦夫梅
松風亭下梅花盛開比落連賦三首
春風嶺上淮南村昔年梅花曾斷魂嶺上見黃梅春

有兩絕句明年杜陵亭道中賦詩云豈知流落復相
去年絕句明山路細雨擷花正斷魂山豈知流落復相
見蠻風蚤雨愁黃昏長條半落荔枝浦卧樹獨秀梳
柳園豈惟幽光留夜色直恐冷艷排冬温松風亭下
荆棘裏兩株玉蕊明朝暎海南僊雲矯隨砌月下縞
衣來叩門酒醒夢覺起繞樹妙意有在終無言先生
且飲勿歎息幸有落月窺清樽

羅浮山下梅花村玉雪為骨冰為魂紛紛初疑月掛
樹耿耿獨與參橫昏先生索居江海上情如病鶴栖
荒園天香玉艷肯相顧知我酒熟詩清温蓬萊宮中
花鳥使綠衣倒掛扶桑暎嶺南鷓鴣有倒掛綠衣紅

抱蓑窺我方醉卧故遣啄木先敲門麻姑過君急洒
掃鳥能歌舞花能言酒醒人散山寂寂惟有落葉粘
空樽

玉妃謫墮煙雨村先生作詩與招魂人間草木非我
對奔月偶桂成幽昏暗香入戶尋短夢青子綴枝留
小園披衣連夜喚客飲雪膚滿地聊相温松明照坐
愁不寐一作井花入腹清而曠先生年來六十化道
眼已入不二門多情好事餘習氣惜花未忍終無言
留連一物吾過矣笑領百罰空壘榼

合江樓

海山慈壽何佳哉二江合處朱樓開蓬萊方丈應不
遠肯為蘇子浮江來江風初涼睡正美樓上啼鳥呼
我起我今身世兩悠悠西流白日東流水樓中老人
日清新天上豈有癡仙人三山咫尺不歸去一杯付
與羅浮春

居教授索枸杞因以詩贈錄 三廣倅蕭大夫

鄴侯藏書手不觸嗟我嗜書終日讀短檠照字細如
毛怪底昏花懸兩目扶衰賴有王母杖名字於今掛
仙錄荒城古塹草露寒碧葉叢低紅菽粟春根夏苗
秋著子盡付天隨耻充腹蘭傷桂折豈有用爾獨何

損丹其族贈君慎勿比薏苡採之終日不盈掬外澤
中乾非爾傳歛藏更借秋陽曝鷄壅桔梗一稱帝董
也雖尊等臣僕時復論功不汝遺異時謹事東籬菊

次韻董夷仲茶磨

前人初用茗飲時煮之無問葉與骨寢窮厥味曰始
用復計其麓碾方出計盡功極至於磨信哉智者能
創物破槽折杵向墻角亦其遭遇有仲屈歲久講求
知處所佳者出自衡山窟巴蜀石工強鑄鑿理踈性
軟良可吐予家江陵遠莫致塵土何人為披拂

次韻王滁州見寄

斯人何似似春雨歌舞農夫怨行路君看永叔與元
之坎軻一生遭謗一作語兩翁當年鬢未絲玉堂揮
翰手如飛教得滁人解吟詠至今里巷嘲輕肥君家
聯翩盡卿相獨來坐嘯溪山上笑指浮利一雞肋多
取清名幾能掌丈夫自重貴難售兩翁今與青山久
後來太守更風流要伴前人作詩瘦我倦承明苦求
出到處遺踪尋六一憑君試與問瑯琊許我來遊莫
難色

雪詩寄景文

萬松嶺上黃千葉載酒年年踏松雪劉郎去後誰復

來花下有人心斷絕東齋夜坐搜雪句兩手龜拆霜
鬢折無情亦豈畏嘲弄穿簾入戶吹燈滅紛紛兒女
爭取一作似碧海長鯨君未掣朝來雲漢接天流顧
我小詩如點纈歐陽趙陳在戶外急掃中庭鋪木屑
交游誰似雪栢堅聚散行作風花瞥晴光融作一尺
泥歸有何事真無說泥乾路穩放君去莫倚馬蹄如
踏鐵

送公為遊淮南

負米萬里緣其親運甓無度憂其身讀書莫學流麥
士挾策莫比亡羊人迺翁辛苦到白首汝今強勉當

青春昔時管鮑以君霸此兩士賈寧非貧

謝蘇自之惠酒

高士例須憐麴蘖此語嘗聞退之說我今有說殆不然
麴蘖未必高士憐醉者墜車莊生言全酒未若全
於天達人本自不虧缺何暇更求全處全景山沉迷
阮籍傲畢卓盜竊劉伶顛貪狂嗜怪無足取世俗喜
異矜其賢杜陵詩客尤可笑羅列八子叅群仙流涎
露頂置不說為問底虜能逃禪我今不飲非不飲心
月皎皎長孤圓有時客至亦為酌琴雖未去聊忘絃
吾宗先生有深意百里雙鑿遠將寄且言不飲固亦

高舉世比同吾獨異不如同異兩俱冥得鹿亡羊等
嬉戲決酒飲此勿復辭何用區區較醒醉

西山戲題武昌王居士

予往在武昌西山九曲亭上有題一句玄鳴橫號
黃欄峴九曲亭即吳王峴山一山皆欄葉其旁即
元結陂湖也黃花極盛因為對云皓鶴下浴紅荷
湖坐客皆笑同請賦此詩

江干高居堅關扃犍耕躬稼角掛經笥竿繫舸菰菱
隔笳鼓過軍鷄狗驚解襟顧景各箕踞擊劍賡歌幾
舉觥荆筴供膾愧攬聒乾鍋更憂甘瓜羹

戲和正甫一字韻

故居劍閣隔錦官
柑果薑蕨交荆管
竒孤甘掛汲古
綆僥覲敢揭鈞金竿
已歸耕稼供藁結
公貴幹蠱高
巾冠改更句格各蹇吃
姑因狡獪加間關
狂姑平謂
作此狡獪變化不復

將至揚州無咎以詩相迎久不暇答昨日姑

次其韻

少年獨識鼎新城
閉門却掃卷旆旌
宵中自有談天
口坐却秦軍發墨
守有子不為謀置
雖虹霓吞吐忘
寒饑端如太史牛
馬走嚴徐不敢連
况雕裝回未用

疑相待枉尺知君有家戒
避人聊復去瀛洲
伴我真能老淮海
夢中仇池千仞巖
便欲攬我青霞襟
且須還家與婦計
我自歸路連西南
老來飲酒無人佐
獨看紅藥傾白墮
每到平山憶醉翁
平山在揚州醉翁
知揚州懸知他日君思我
路傍小兒笑相逢
齊歌萬事轉頭空
平恥賴有風流賢
別駕猶堪十里卷
春風

池上二首

小池新鑿會天雨
一部鼓吹從何來
有蟾正碧亂草
色時汨出沒東南隈
井幹跳梁亦是樂
洞庭魚龍何

有哉能歌德聲莫入月清池與爾俱忘回
不作太白夢日邊還同樂天賦池上池上新年有荷
葉細雨魚兒噏輕浪男兒學易不應舉幽人一爻吾
得尚此池便可當長江欲榜茅齋來蕩漾

贈仲素寺丞致仕歸隱潛山

潛山隱君七十四紺瞳綠髮方謝事腹中靈液變丹
砂江上幽居連福地彭城為我駐三日明月滿舟同
一醉丹書細字口傳訣顧我沉迷真棄耳年來四十
髮蒼蒼始欲求方救憔悴他年若訪潛山居慎勿逃
人改名字

魯直以詩餽雙井茶次韻為謝

江夏無雙種竒茗汝陰六一誇新書磨成不敢付僮
僕自看雪湯生幾珠列仙之儒瘠不腴只有病渴同
相如明年我欲東南去畫舫何妨宿太湖歸以雙井
為第一畫舫宿太
湖北渚貢茶故事

揚州以土物寄少游

鮮鯽經年秘醞醱團臍紫蟹脂填腹後春尊茁活如
酥先社薑芽肥勝肉鳧子纍纍何足道點綴盤殮亦
時欲淮南風俗事瓶罌方法相傳竟留蓄且同千里
寄鵝毛何用孜孜飲麩麩

贈曇秀

白雲出山初無心棲鳥何必戀山林道人偶愛山水
故縱步不知湖嶺深空巖已禮百千相曹溪更欲瞻
道像要知水味孰冷暖始信夢時非幻妄袖中忽出
貝葉書中有璧月綴星珠人間勝絕略已遍匡廬南
嶺并西湖西湖北望三千里大堤舟舟橫秋水誦師
佳句說南屏瘴雲應逐秋風靡胡為只作十日歡杖
策復尋歸路難留師筍屐不足道張望荔子何時丹
奉送晁美叔發運右司年兄赴闕

我年二十無朋儔當時四海一子由君來扣門若有
求頎然病鶴清而脩醉翁遣我從子游翁如退之蹈
軻丘尚欲放子出一頭酒醒夢斷四十秋病鶴不病
骨愈虬惟有我顏老可羞醉翁賓客散九州幾人白
髮還相收我如懷祖拙自謀正作尚書已過優君來
會稽實良籌往看萬壑爭交流羹齋方

再過泗上二首

眼明初見淮南樹十客相逢九吳語旅程已付夜帆
風客睡不妨背舫雨黃柑紫蟹見江海紅稻白魚飽
兒女慇懃買酒謝舫師千里勞君勤轉槽
繫舟淮北兩折軸繫舟淮南風斷橋客行有期日月

疾歲事欲晚霜雪驕山根浪頭作雷吼縮手敢試舟
師篙不用燃犀照幽怪要須拔劍斬長蛟

贈李兒彥威秀才

魏王大瓠實五石種成渡落將安適可憐公子持十
牛海上三年竟何得先生少負不羈才從軍數到單
于臺天山直欲三箭取白衣將軍何人哉夜逢怪石
曾飲羽戲中戟枝何足數誓將馬革裹尸還肯學班
超苦兒女封侯衛霍知幾許老矣先生困羈旅酒酣
聊復說平生結襪猶堪一再鼓棄書捐劍學萬人統
袴儒冠皆誤身窮途政似不龜手與世羞為西子擘

如今惟有談天口雲夢曾中吞八九世間萬事寄黃
梁且與先生說烏有

次韻謝子高讀渊明傳

枯木嵌空微黯淡古器_非在無古絃袖中正有南風
手誰為聽之誰為傳風_非豈落正始後甲子不數義
熙前一山黃菊平生事無酒令人意缺然

龐公

襄陽龐公少檢束白髮不髡亦不俗世所奔趨我獨
棄我已_非有餘彼不足鹿_非有月樹下行虎溪無風舟
上宿不識當時捕魚客但_非愛長康畫金粟杜口如今

不復言龐公為人，不曲局，東西有人問老翁為道明。
燈照華屋，五言七言正兒戲，三行五行亦偶爾。我性
不飲，只解醉，正如春風弄群卉。四十年來同幻事，老
去何須別。愚智古人不住，亦不滅，我今不作亦不止。
寄語悠悠世上人，浪生浪死一埃塵。洗墨無池筆無
冢，聊爾作戲悅吾神。

追餞正輔至博羅城賦詩為別

孤臣南游墮黃菅，君亦何事來牧蠻。艤舟蜚戶龍岡，
窟置酒椰葉枕。柳間高談，已笑衰語陋。傑句尤覺清，
詩孱博羅小縣僧舍。古兵以不忍去君，忘還君應回望。

秦與楚夢涉漢水，愁秦關我亦坐念。高安客神游黃
蘗參桐山，何時曠蕩洗垢。謫與君歸駕，相追攀梨花
寒食錦江路。山雨遙對巖，煙鬢歸耕不用一錢物。唯
要兩脚飛孱顏，玉床丹砂記分我。助我金鼎光爛斑，
歐陽季默以油注墨二丸見，既各長寸許戲。

作詩

書窓拾輕煤，佛帳拂餘酸。辛勤破千夜，收此一寸玉。
癡人畏老死，腐朽同草木。欲得山東松，湜盡南山竹。
墨堅人苦脆，未用歎不之。且當注蟲魚，莫掃草一作三
千牘。

明日復以大魚為饋重三十斤且求詩故復
荅之

漢庭九尺人誰似老方朔那將一寸金令足三冬學
餽餉一作魚欲自洗鱗尾顧光一作卓犖我是騎鯨手聊
堪充鹿角

次韻子由送陳侗知陝州

誰能如鐵牛橫身負黃河滔天不能沒尺筭未易訶
世俗自無常徐公故逶迤別來不可說事與浮雲多
當時無限人毀譽即墨阿虛聲了無實夜蟲鳴機梭
相逢一笑外柰此白髮何天驥皆籟雲長鳴飽芻禾

王庭旅百寶大貝隨弓戈君獨一麾去欲賡五袴歌
甘棠古樂國白酒金叵羅知君不久留治行中新科
過客足賔喜東堂記分鵝此外但坐轍後生三揣摩

蘇文忠公集卷第十

古詩六十首

送李公恕赴闕

君才有如切玉刀見之凜凜寒生毛願隨壯士斬蛟
蜃不顧腰間纏錦條用違其才志不展坐與胥吏同
疲勞忽然眉上有黃氣吾君漸欲收英髦立談左右
俱動色一語徑破千言牢我頃分符在東武脫略為
事惟嬉遨盡徹屏障通內外仍呼騎曹為馬曹君為
使者見不問反更對飲持雙螯酒酣箕坐語驚衆
以嘲諷窮詩騷世上小兒多忌諱獨能容我真賢豪

為我買田臨汝水
逝將歸去誅蓬蒿
安能終老塵土
下俯仰隨人如桔槔

送孔郎中赴陝郊

驚風擊面黃沙走
西出嶠函脫塵垢
使君來自古徐州
聲震河潼穀關右
千里長亭聞鼓角
一川秀色明花柳
北臨飛檻卷黃流
南望青山如峴首
東風吹開錦綉谷
淥水翻動蒲萄酒
訟庭生草數開樽
過客如雲牢閉口

讀孟郊詩二首

夜讀孟郊詩
細字如牛毛
寒燈照昏花
佳處時一遭

孤芳擢荒穢
苦語餘詩騷
水清石鑿鑿
湍激不受篙
初如食小魚
所得不償勞
又似煮彭蠡
竟日嚼空螯
要當鬪僧清
未足當韓豪
人生如朝露
日夜火消膏
何苦將兩耳
聽此寒蟲號
不如且置之
飲我玉色醪
我憎孟郊詩
復作孟郊語
飢腸自鳴喚
空壁轉飢鼠
詩從肺腑出
出輒愁肺腑
有如黃河魚
出膏以自煮
尚愛銅斗歌
鄙俚頗近古
挑弓射鴨罷
獨速短簑舞
不憂踏船翻
踏浪不踏上
吳姬霜雪白
赤脚浣白紵
嫁與踏浪兒
不識離別苦
歌君江湖曲
感我長羈旅

送呂行甫司門倅河陽

結交不在久傾蓋如平生識子今幾日送別亦有情
子生公相家高義久崢嶸天才既超詣世故亦屢更
譬如追風驥豈免羈與纓念我山中人久與麋鹿并
誤出掛世網舉動俗所驚歸田雖未果已覺去就輕
河陽豈云遠出處恐異程便當從此別有酒無徒傾
與梁左藏會飲博國博家

將軍破賊自草檄論詩說劍俱第一彭城老守本虛
名識字劣能欺項籍風流別駕貴公子欲把笙歌暖
鋒鏑紅旆朝開猛士譟翠帷暮卷佳人出東堂醉卧
呼不起啼鳥落花春寂寂教長笛傍耳根一聲吹

裂塔前石

約公擇飲是日大風

先生生長匡廬山山中讀書三十年舊聞飲水師顏
淵不知治劇乃所便偷兒夜探赤白丸奮髯忽逢朱
子元半年群盜誅七百誰信家書藏九千春風無事
秋月閑紅粧執樂豪且妍紫衫玉帶兩部全琵琶一
抹四十絃客來留飲不計錢齊人愛公如子產兒啼
卧路呼不還我慙山郡空留連牙兵部吏笑我寒邀
公飲酒公無難約束官奴買花鈿薰衣理鬢夜不眠
曉來顛風塵暗天我思其由豈坐慳作詩愧謝公笑

謹歸來瑟縮愈不安要當啖公八百里豪氣一洗儒
生酸

聞公擇過雲龍張山人輒往從之公擇有詩
戲用其韻

我生固多憂肉食常苦墨軒然就一笑猶得好飲力
聞君過雲龍對酒兩靜默急携清歌女出郭及未吳
一歡難力致邂逅有勝特喧蜂集晚花亂雀啅叢棘
山人樂此耳寂寞誰侍側何當求好人聊使治要棘
使君自孤憤此理誰相直不如學養生一氣服千息

送李公擇

嗟予寡兄弟四海一子由故人雖云多出處不我謀
弓車無停招逝去勢莫留僅存今幾人各在天一陬
有如長庚月到曉爛不收宜我與夫子相好手足侔
比年兩見之賓主更獻酬樂哉十日飲衍衍和不流
論事到深夜僵仆鈴與騶頗嘗見使君有客如此不
欲別不忍言慘慘集百憂念我野夫兄知名三十秋
已得其為人不待風馬牛他年林下見傾蓋如白頭

送筭芍藥與公擇二首

久客厭虜饌蜀人為虜陳北枵然思南烹故人知我意
千里寄竹萌駢頭玉嬰兒一一脫錦裯危人應未識

旅人眼先明我家拙厨膳蔬肉芼蕪菁送與江南客
燒煮配香粳

今日忽不樂折盡園中花園中亦何有芍藥裊殘葩
久旱復遭雨紛披亂泥沙不折亦安用折去還可嗟
棄擲諒未能送與謫仙家還將一枝春插向兩髻丫

次韻荅劉涇

吟詩莫作秋蟲聲天公怪汝鈎物情使汝未老華髮
生芝蘭得雨蔚青青何用自燔以出馨細書千紙雜
真行新音百變口如鷓鴣異議蜂起弟子爭舌翻濤瀾
卷齊城萬卷堆曾兀相撐以病為樂子未驚我有

味非煎烹是中之樂吁難名綠槐如山閭廣庭飛蟲
繞耳細而清敗席展轉卧看經亦自不嫌翠織成意
行信足無溝坑不識五郎呼作卿吏民哀我老不明
相戒無復煩鞭刑時臨泗水照星星微風不起鏡面
平安得一舟如葉輕卧聞郵籤報水程尊羹羊酪不
須評一飽且救飢腸鳴

携妓樂遊張山人園

大杏金黃小麥熟墮窠乳鵲奉新竹故將俗物惱幽
人細馬紅粧滿山谷提壺勸酒意雖重杜鵑催歸聲
更速酒闌人散却關門寂歷斜陽掛疎木

種德亭并序

處士王復家於錢塘為人多技能而醫尤精期於活人而已不志於利築室候潮門外治園圃作亭榭以與賢士大夫遊惟恐不及然終無所求人徒知其接花藝果之勤而不知其所種者德也乃以名其亭而作詩以遺之

小圃傍城郭閉門芝朮香名隨市人隱德與佳木長
元化善養性倉公多禁方所活不可數相逢旋相忘
但喜賓客來置酒花滿堂我欲東南去再覩雙檜蒼
山茶想出屋湖橘應過墻木老德亦熟吾言豈荒唐

聞辯才法師復歸上天竺以詩戲問之

道人出山去山色如死灰白雲不解笑青松有餘哀
忽聞道人歸鳥語山容開神光出寶髻法雨洗浮埃
想見南北山花發前後臺寄聲問道人借禪以為談
何所聞而去何所見而回道入笑不荅此意安在哉
昔年本不住今者亦無來此語竟非是且食白楊梅
和子由送將官梁左藏仲通

雨足誰言春麥短城堅不怕秋濤卷日長惟有睡相
宜半脫紗巾落紈扇芳草不鋤當戶長珍禽獨下無
人見覺來身世都是夢坐久枕痕猶着面城西忽報

故人來急掃風軒炊麥飯
徐州伏波論兵初矍鑠中
散談仙更清遠南都後事亦學道
不恤腸空誇腦滿
問羊他日到金華
黃初平於金華山應計相將遊閬苑
次韻秦觀秀才見贈秦與孫莘老李公擇甚
熟將入京應舉

夜光明月非所投逢年遇合百無憂
將軍百戰竟不
侯伯郎一斗得涼州
翹關負重君無力十年不入紛
華域故人坐上見君文
謂是古人吁莫測新詩說盡
萬物情硬黃小字臨黃庭
故人已去君未到空吟河
畔草青青誰謂他鄉各異縣
天遣君來破吾顏一聞

君語識君心短李髯孫眼中見
江湖放浪久全真忽
然一鳴驚倒人從橫
所值無不可知君不怕新書新
千金弊帚那堪換我亦淹留
豈長筭山中既未決同
歸我聊爾耳君其漫

僕曩於長安陳漢卿家見吳道子畫佛碎爛
可惜其後十餘年復見之於鮮于子駿家則
已裝背完好子駿以見遺作詩謝之

貴人金多身復閑爭買書畫不計錢
已將鐵石充逸
鐵石梁武帝時人字法更補朱繇為道玄收吳
少帖大鐵石書中有鐵石字
繇多朱煙薰屋漏裝玉軸鹿皮蒼壁知誰賢
吳生畫

佛本神授夢中化作飛空仙覺來落筆不經意神妙
獨到秋毫顛我昔長安見此畫歎惜至寶空清然素
絲斷續不忍看已作胡蝶飛聯翩君能收拾為補綴
體質散落嗟神全志公髣髴見刀尺脩羅天女猶雄
妍如觀老杜飛鳥句脫字欲補知無緣問君乞得良
有意欲將俗眼為洗滌貴人一見定羞作錦囊千紙
何足捐不須更用博麻縷付與一炬隨飛煙

雨中過舒教授

踈踈簾外竹瀟瀟竹間雨窓扉靜無塵几硯寒生霧
美人樂幽獨有得緣無慕坐依蒲褐禪起聽風篁作

陶語容來淡無有洒掃涼冠履濃茗洗積昏妙香淨
浮慮歸來北堂闈一一微螢度此生憂患中一餉安
閑處飛鳶悔前笑黃犬悲晚悟自非陶靖節誰識此
間趣

次韻舒教授寄李公擇

草書妙絕吾所兄真書少低猶抗衡論文作詩俱不
敵看君談笑收降旌去年逾月方出畫舒肱解留為
君劇飲幾濡首今年過我雖少留寂寞陶潛方止酒
此新公飲病別時流涕攬君鬚懸知此懽墮空虛松
下從橫餘殺齒門前輕輓想君車怪君一身都是德

近之清潤淪肌骨細思還有可恨時不許藍橋見傾
國公擇有婢名雲英屢欲出不采

送鄭戶曹

水遠彭祖樓山圍戲馬臺古來豪傑地千歲有餘哀
隆準飛上天重瞳亦成灰白門下呂布大星隕臨淮
尚想劉德輿置酒此徘徊爾來苦寂寞廢圃多蒼苔
河從百步響山到九里回山水自相激夜聲轉風雷
蕩蕩清河壖黃樓我所開秋月墮城角春風搖酒盃
遲君為坐客新詩出瓊瑰樓成君已去人事固多乖
他年君倦遊白首賦歸來登樓一長嘯使君安在哉

次韻黃魯直見贈古風二首

佳穀卧風雨菘葵登我場陳前漫方丈玉食慄無光
大哉天宇間美惡更臭香君看五六月飛蚊殺回廊
茲時不少假俛仰霜葉黃期君蟠挑技千歲終一嘗
顧我如苦李全生依路傍紛紛不足愠悄悄徒自傷
空山學僊子妄意笙簫聲千金得奇藥開視皆掃苓
不知衆人中自有安期生今君已度世坐閱霜中蒂
摩挲古銅人歲月不可計閭風安在哉要君相指似
次韻荅舒教授觀予所藏墨
異時長笑王會稽野鷺臙腥汙刀几莫年却得庾安

西自厭家雞題六紙二子風流冠當代顧與兒童爭
愠喜秦王十八已龍飛嗜好晚將蛇蚓比我生百事
不掛眼時人謬說云工此世間有癖念誰無傾身障
籠尤堪鄙一生當着幾兩錢定心肯為微物起此墨
足支三十年但恐風霜侵髮齒非人磨墨墨磨人鉗
應未罄壘先恥逝將振衣歸故國數畝荒園自鋤理
作書寄君君莫笑但覓來禽與青李一螺點漆便有
餘萬竈燒松何處使君不見永寧第中擣龍麝列屋
閑居清且美倒暈連眉秀嶺浮雙鵝畫鬢香雲委時
聞五斛賜蛾綠不惜千金求獺髓聞君此詩當大笑

寒窓冷硯冰生水

送鄭戶曹賦席上果得榧子

彼美玉山果粲為金盤實瘴霧脫蠻溪清樽奉佳客
客行何以贈一語當嘉璧祝君如此果德膏以自澤
驅攘三彭仇已我心腹疾願君如此木凜凜傲霜雪
斲為君倚几滑淨不容削物微興不淺此贈毋輕擲
密州宋國博以詩見紀在郡雜詠次韻答之
吾觀二宋文字字照縑素淵源皆有考奇險或難句
後來邈無繼嗣子其殆庶胡為尚流落用舍真有數
當時苟悅可慎勿笑杖斲窓誰赴救袖手良優裕

山城辱吾繼缺短煩遮護昔年繆陳詩無人聊瓦注
予今賡絕唱外重中已懼何當附家集擊壤追成漢

荅范祖禹

吾州下邑生劉季誰數區區張與李

李詩有張傑射李臨淮之名

重瞳遺迹已塵埃惟有黃樓臨泗水

郡有龐王碑相傳

不可坐傑擢而今太守老且寒俠氣不洗儒生酸猶

勝白門窮呂布欲將鞍馬事曹瞞

次韻荅王定國

每得君詩如得書宣心寫妙書不如眼前百種無不
有知君一以詩驅除傳聞部下十日雨青泥沒馬街

生魚舊雨來人今不來油然獨酌卧清虛
我雖作郡古云樂山川信美非吾廬
願君不廢重九約念此衰冷動呵噓

和鮮于子駿鄂州新堂月夜二首

前次韻和後別一首

去歲遊新堂春風雪消後池中半篙水池上千尺柳
佳人如桃李蝴蝶入衫袖山川今何許疆野已分宿
歲月不可思駛若舩放溜繁華真一夢寂寞兩榮朽
惟有當時月依然照杯酒應憐舩上人坐穩不知漏
明月入華池反照池上堂堂中隱几人心與水月涼
風螢已無迹露草時有光起觀河漢流出舞響長廊

名都信繁會千拍調絲簧先生病不飲童子為燒香
獨作五字詩清絕如韋郎詩成月漸側皎皎兩相望

次韻子由送趙屺歸覲錢塘遂赴永嘉

歸舟轉河曲稍見楚山蒼僕吏來迎客吳音已帶鄉
言從謝康樂先獻魯靈光已擊三千里何須四十強
風流半刺史清絕校書郎到郡詩成集尋溪水濺裳
芒鞋隨採藥蠶紙記流觴海靜蛟鼉出山空草木長
宦遊無遠近民事要更嘗願守傳家法他年請尚方

中秋月三首

慙慙去年月灑灑古城東憔悴去年人卧病破窓中

徘徊巧相覓窈窕穿云力攏月豈知我病但見歌樓空
撫枕三歎息扶杖起想從天風不相哀吹我落瓊宮
白露入肝肺夜吟如秋蟲坐令太白豪化為東野窮
餘年知幾何佳月豈屢逢寒魚亦不睡竟夕相唼喁
六年逢此月五年照離別中秋與子由會於此惟歌
君別時曲滿坐為淒咽留都信繁麗此會豈輕擲鎔
銀百頃湖掛鏡千尋闕三更歌吹罷人影亂清樾歸
來北堂下寒光翻露葉喚酒與婦飲念我向兒說豈
知衰病後空盞對黎粟但見古河東薺麥如鋪雪欲
和去年曲復恐心斷絕

舒子在汶上閉門相對清
鳥輟舉鄭子向河朔

赴北京孤舟連夜行頓子雖咫尺兀如在窄局
賴起

戶曹試舉趙子寄書來水調有餘聲
記予在東武中秋所

作賦調悠哉四子心共此千里明明月不解老良辰

難合并回顧座上人聚散如流萍嘗聞此宵月萬里

同陰晴是歲人多為言嘗見海賈云中秋有月則

陰翳無不同者問天公自着意此會那可輕明年各

相望俯仰今古情

和子由中秋見月
明月未出群山高瑞光千丈生白毫一杯未盡銀闕

湧亂雲脫壞如崩濤誰為天公洗眸子應費明河千

斛水遂令冷看世間人照我湛然心不起西南大星

如彈丸角尾奕奕蒼龍蟠今宵注眼看
不見更許螢

火爭清寒何人艤舟臨古汴千燈夜作魚龍變
曲折

無心逐浪花低昂赴節隨欵板
是夜西賈客舟青燄滅

沒轉山前浪颭風迴豈復堅明月易低人易散歸來

呼酒更重看堂前月色愈清好咽咽寒空鳴露草卷

簾推戶寂無人窓下啞啞惟楚老
近有一孫南都從

事莫羞貧對月題詩有幾人明朝人事隨日出恍然
一夢瑤臺客

與頰起孫勉泛舟探韻得未字

窓前堆梧桐床下鳴絡緯佳人尺書到客子中夜喟
朝來一樽酒晤語聊自慰秋蠅已無聲霜蟹初有味
當為壯士飲皆裂頰碎蝟勿作兒女懷坐念蟪蛄畏
山城亦何有一笑鴻肝胃泛舟以娛君魚鼈多可餽
縱為十日飲未遽主人費吾儕俱老矣耿耿知自貴
寧能傍門戶啼笑雜猩猩要將百篇詩一吐千文氣
蕭條歲行莫追此霜雪未明朝出城南遺迹觀楚魏
西風迫吹帽金菊亂如沸願君勿言歸輕別吾所謀

九日黃樓作

去年重陽不可說南城夜半千漚發水穿城下作雷
鳴泥滿城頭飛雨滑黃花白酒無人問日暮歸來洗
鞞鞢豈知還復有今年把盞對花容一呷莫嫌酒薄
紅粉陋終勝泥中事鋏錘黃樓新成壁未乾青荷已
落霜初殺朝來白霧如細雨南山不見千尋剝樓前
便作海茫茫樓下空聞擣鴉軋薄寒中人老可畏熱
酒澆腸氣先壓煙消日出見漁村遠水鱗鱗山鬱鬱
詩人猛士雜龍虎坐客三十餘楚舞吳歌亂鵝鴨一
杯相屬君勿辭此境何殊泛清雪

太虛以黃樓賦見寄作詩為謝

我在黃樓上欲作黃樓詩忽得故人書中有黃樓詞
黃樓高十丈下建五丈旗楚山以為城泗水以為池
我詩無傑句萬景驕莫隨夫子獨何妙雨雹散雷推
雄詞雜今古中有屈宋姿南山多磬石清滑如流脂
朱蠟為模刻細妙分毫釐佳處未易識當有來者知

送頓起

客路相逢難為樂常不足臨行挽衫袖更賞折殘菊
佳人亦何念淒斷陽關曲酒闌不忍去共接一寸燭
留君終無窮歸駕不免促岱宗已在眼一往繼前躅
天門四十里夜看扶桑浴回頭望彭城大海浮一粟

故人在其下塵土相履蹴惟有黃樓詩千古配淇澳

頓有詩記黃樓本稿

送孫勉

昔年罷東武曾過北海縣白河翻雪浪黃土如蒸麪
桑麻冠東方一熟天下賤是時累飢饉常恐盜賊變
每憐追胥官野宿風裂面君為淮南秀文采照金殿
君嘗考中進士第一人胡為事奔走投筆腰羽箭更被髯將軍
豪篇來替戰其兄華老以詩戰親程三郡士玉石不能
銜欲知君得人失者亦稱善君才無不可要欲經百
鍊吾詩堪咀嚼聊送別酒噍

次韻吞王鞏

我有方外客顏如瓊之英十年塵土窟一寸冰雪清
竭來從我遊坦率見真情顧我無足戀戀此山水青
新詩如彈丸脫手不暫停昨日放魚回衣巾滿浮萍
今日扁舟去白酒載烏程山頭見月出江路聞鼃鳴
莫作孺子歌滄浪濯吾纓吾詩自堪唱相子掉歌聲

張安道見示近詩

人物一衰謝微言難重尋慙慙永嘉末復聞正始音
清談未足多感時意味深少年有奇志欲和南風琴
荒林蠅蚋亂廢沼蛙蟻淫遂欲掩兩耳臨文但噫瘖

蕭然王郎子來自緱山陰

其婿王鞏携來

云目已浮丘伯吹簫

明月岑遺聲落淮泗蛟鼃為悲吟顧公正王度祈招
繼惜惜

次韻王鞏獨眠

居士身心如槁木旅館孤眠體生粟誰能相思琢白
玉服藥千朝償一宿天寒日短銀燈續欲往從之車
脫軸何人吹斷參差竹泗水茫茫鴨頭綠

次韻王鞏留別

去國已八年故人今有誰當時交游內未數蔡克兒
豈無知我者好爵半已糜爭為東閣吏又不顧北山移

公子表獨立與世頗異馳不辭千里遠成此一段奇
蛾眉亦可憐無柰思餅師無人伴客寢惟有支床龜
君歸與何人文字相娛嬉持此調張子一笑當脫顛
登雲龍山
醉中走上黃茅岡滿岡亂石如群羊岡頭醉倒石作
床仰看白雲天茫茫歌聲落谷秋風長路人舉首東
南望拍手大笑使君狂

次韻僧潛見贈

道人胸中水鏡清萬象起滅無逃形獨依古寺種秋
菊要伴騷人食落英人間底處有南北紛紛鴻鴈何

曾笑開門坐穴一細山榻頭上歲月空崢嶸今年偶出
為求法欲與慧劍以擊斫雲納新磨山水出霜鬢未
可兒童驚公侯欲識不可得故知倚市無傾城秋風
吹夢過淮水想見以摘垂空庭故人各在天一角相
望落落如晨星彭城老守何足顧棠林桑野相邀迎
千山不憚荒店遠兩脚欲趁飛猿輕多生綺語磨不
盡尚有宛轉詩人以情猿吟鶴唳本無意不知下有行
人行空塔夜雨自清絕誰使掩抑啼孤惇我欲仙山
掇瑤草頃筐坐歎何時盈薄書鞭扑晝填委黃茗燒
栗宜宵征乞取摩尼照濁水共看落月金盆傾

次韻潛師放魚

法師說法臨泗水無數天花隨塵尾勸將淨業種西
方莫待夢中呼起起哀哉若魚竟坐口遠愧知幾穆
生醴况逢孟簡對盧仝不怕校人欺子美疲民尚作
魚尾赤數吾未除心吾願泚法師自有衣中珠不用辛
苦泥沙底

滕縣時回年西園

人皆種榆柳坐待心十畝陰我獨種松柏守此一寸
片心君看閭里明山盛衰日駸駸種木不種德聚散如
飛禽老時吾不識用意一何深知人得數士重義忘

千金西園手所開珍木來千岑養此雨相雪根遲彼鸞
鳳吟池塘得流水龜魚自浮沉幽桂日夜長白花亂
青衿豈獨蕃草木子孫已成林拱把不知數會當出
千尋樊侯種梓漆壽張富華簪我作西園詩以為里
人箴

百步洪二首 并序

王定國訪予於彭城一日棹小舟與顏長道携盼
英卿三子游泗水北上聖女山南下百步洪吹笛
飲酒乘月而歸予時以事不得往但着羽衣佇立
於黃樓上相視而笑以為李太白死世間無此樂

三百餘年矣定國既去逾月復與參寥師放舟洪
下追懷曩游已為陳迹喟然而歎故作二詩一以
遺參寥一以寄定國且示顏長道可堯文邀同賦
云

長洪斗落生跳波輕舟南下如投梭水師絕叫鳧鴈
起亂石一線爭磋磨有如兔走鷹隼落駿馬下注千
丈坡斷絃離柱箭脫手飛電過隙珠翻荷四山眩轉
風掠耳但見流沫生千渦險中得樂雖一快何異水
伯誇秋河我生乘化日夜逝坐覺一念逾新羅紛紛
爭奪醉夢裏豈信荆棘埋銅駝覺來俯仰失千劫回

視此水殊委蛇君看岸邊蒼石上古來篙眼如蜂窠
但應此心無所住造物雖駛如予何回船上馬各歸
去多言曉曉師所呵

佳人未肯回秋波幼與欲語防飛梭輕舟弄水買一
笑醉中蕩槳肩相磨不似學一作長安閭里俠貂裘夜
走臙脂坡獨將詩句擬鮑謝涉江共採秋江荷不知
詩中道何語但覺兩頰生微渦我時羽服黃樓上坐
見織女初斜河歸來笛聲滿山谷明月正照金巨羅
柰何捨我入塵土擾擾毛群欺卧駝不念空齋老病
叟退食誰與同委蛇時來洪上看遺迹忍見後齒青

蒼粟詩成不覺雙泪下悲吟相對惟羊何欲遣佳人
寄錦字夜寒手冷無人呵

送參寥師

上人學苦空百念已灰冷劍頭惟一吷焦穀無新穎
胡為逐吾輩文字爭蔚炳新詩如玉雪出語便清警
退之論草書萬事未嘗屏憂愁不平氣一寓筆所騁
頗怪浮屠人視身如丘并頽然寄淡泊誰與發豪猛
細思乃不然真巧非幻影欲令詩語妙無厭空且靜
靜故了群動空故納萬境閱世走人間觀身卧雲嶺
酸雜衆好中有至味永詩法不相妨此語當更請

夜過舒堯文戲作

先生堂前霜月苦弟子讀書喧兩廡推門入室書縱
橫蠟紙燈籠晃雲母先生骨清少眠卧長夜默坐數
更鼓耐寒石硯欲生冰得火銅餅如過雨郎君欲出
先自贊坐客歛衽誰敢侮明朝阮籍過阿戎應作羲
之羨懷祖

雲龍山觀燒得雲字

丁女真水妃寒山便火耘隕霜知已殺培戶聽初焚
束緼方熠燿敲石俄氤氳落點甘泉烽橫煙楚塞氛
窮虵上喬木潛蛟躡浮雲驚飛墮傷鴈狂走迷瘴麈

谷蟄起蜩燕山妖竄變殯野竹爆哀聲幽桂飄寬芬
悲同秋照蟬快若夏療蚊火牛入燕壘燧象奔吳軍
崩騰井陘口萬馬皆朱憤搖曳驪山陰諸姨爛紅裙
方隨長風卷忽值絕澗分我本山中人習見匪獨聞
偶從二三子來訪張隱君君家亦仙宵物象移朝曛
把酒看飛燼空庭落繽紛行觀農事起畦壠如纈紋
細雨發春穎嚴霜倒秋黃始知一炬力洗盡狐兔群
祈雪霧猪泉出城馬上作贈舒堯文

三年走吳越踏遍千里山朝隨白雲去暮與孤鴉還
翻如得木狖飛步誰能攀一為符竹累坐老敲榜聞

此行亦何事聊散腰山頽浩蕩城西南亂山如珠
山下野人家桑柘雜亦管歲晏風日暖人牛相對閑
薄雪不蓋塊土一作麥稀可刪韻君發豪白朝談破
天慳

次韻舒堯文以雪霧猪泉

長笑蛇醫一寸腹銜小吐電何時足蒼鵝無罪亦可
憐斬頸橫盤不敢哭以知泉下有猪龍卧枕雷車踏
陰軸前年太守為旱注雨點隨人如撒菽傳嶽泉得
雨太守歸國龍歸泉云今人詠淇園綠我今又復罹
此旱凜凜疲民在溝瀆却尋舊迹叩神泉坐客仍携

王子淵懽欬時客看草中和樂職頌新聲妙語慰華
顛曉來泉上東風急湏上冰珠老蛟泣怪詞欲逼龍
飛起嶮韻不量吾所及行看積雪厚埋牛誰與春工
掀百蟄此時還復借君詩餘力汰輒仍貫笠揮毫落
紙勿言疲驚龍再起震失匙

人日獵城南會者十人以身輕一鳥過槍急
萬人呼為韻較得鳥字

兒童笑使君憂愠長悄悄誰拈白接離令跨金腰裹
東風吹濕雪手冷怯清曉忽發雨鳴鶻相趁飛蠅小
教弓一長嘯目送孤鴻矯吟詩忘鞭轡不語頭自掉

歸來仍脫粟鹽豉煮甘藜何似雷將軍兩眼霜鵝皎
黑頭已為將百戰意未了馬上倒銀瓶得兔不暇燒
少年負奇志蹭蹬百鳥繞回首英雄人老死亦不少
青春還一夢餘年真若鳥莫上呼鷹臺平生笑劉表
將官雷勝得過字代作

胡騎入雲回作中急連夜過短刀穿虜陣滅血貂
裘澆一來輦轂下愁眉惟欲卧今朝從公獵稍覺天
宇大一雙鐵絲箭未發手先唾射殺雪毛狐腰間餘
一箇

種松得徠字

真四在懷石堂
六在石煙

春風吹榆林亂莢飛作堆荒園一雨過戢戢千萬栽
青松種不生百株望一校一枚已有餘氣壓千畝槐
野人易斗粟云自魯公但徠魯人不知貴萬竈飛青煤
束縛同一車胡為乎示我泫然解其縛清泉洗浮埃
枝傷葉尚因生意未出回山僧老無子養護如嬰孩
坐待走龍蛇清陰滿石臺孤根裂山石直幹排風雷
我今百日客養此千歲材時去睹茯苓無消息雙鬢
日夜摧古今一俛仰作詩寄餘衰

作詩寄王晉初忽憶前年寒食北城之遊走
筆為此詩

北城寒食煙火微落花胡蝶作團飛王孫出遊樂忘
歸門前駉馬紫金鞵吹笙帳底煙霏霏行人舉頭誰
敢啼扣門狂客君不麾更遣傾城出翠幃書生老眼
省見稀畫圖但覺周昉肥別來春色已再菲西望不
見紅日圍何時東山歌采薇把盞一聽金縷衣

次韻丹元子示詩飄飄然有謫仙風氣因繼
作

飛仙亦偶然脫命瞬息中惟詩不可擬如寫天日容
夢中哦七言玉丹已入懷一語遭縛虛失身墮蓬萊
蓬萊至今空護短不養才上一界足官府謫仙應退休

可憐吳與蘇
骯髒雪滿頭
紋當却與丹
元子笑拍東
海乘桴浮

蘇文忠公集卷第十七

